

অবিলম্বে প্রকাশের উদ্দেশ্যে: 4/9/2022

গভর্নর ক্যাথি হোকল

2023 অর্থবছরের বাজেটের অংশ হিসেবে চাইল্ড কেয়ার খাতে ঐতিহাসিক বিনিয়োগ বরাদ্দ করা সম্পর্কে গভর্নর হোকলের ঘোষণা

এই বাজেটে চার বছরের জন্য 7 বিলিয়ন ডলার বরাদ্দ করা হচ্ছে - যা চাইল্ড কেয়ার খাতে সহায়তার পরিমাণ দ্বিগুণের বেশিতে উন্নীত করবে

চাইল্ড কেয়ার ভর্তুকির জন্য আয়ের সীমা বৃদ্ধি করা হয়েছে, যার ফলে নিউ ইয়র্ক স্টেটের অল্প বয়সী শিশুদের অর্ধেকের বেশি সংখ্যক ভর্তুকি পাওয়ার উপযুক্ত হয়েছে

স্থিতিশীলকরণ অনুদানের দ্বিতীয় রাউল্ডে 343 মিলিয়ন ডলারের বরাদ্দ চাইল্ড কেয়ার কর্মীদল ও সেবা প্রদানকারীদের সহায়তা প্রদান করবে

গভর্নর ক্যাথি হোকল আজ 2023 অর্থবছরের বাজেটের হাইলাইটের মধ্যে চাইল্ড কেয়ার খাতে বৃহৎ বিনিয়োগের ঘোষণা দিয়েছেন। নিউ ইয়র্ক স্টেট চার বছরে 7 বিলিয়ন ডলার বিনিয়োগ করছে যা এই বিষয়টির প্রতিফলন যে মানসম্মত চাইল্ড কেয়ারের অ্যাক্সেস শিশুদের জন্য, পরিবারের জন্য, এবং অর্থনৈতিক পুনরুদ্ধারের জন্য অত্যন্ত গুরুত্বপূর্ণ। এটি চাইল্ড কেয়ার ভর্তুকির জন্য নিউ ইয়র্কের সহায়তা দ্বিগুণের বেশিতে উন্নীত করবে। এই বাজেটে চাইল্ড কেয়ার ভর্তুকির জন্য আয়ের উপযুক্ততা ফেডারেল দারিদ্র্য সীমার 300 শতাংশে বৃদ্ধি করা হয়েছে (চার সদস্যের পরিবারের জন্য ৪3,250 ডলার), যা নিউ ইয়র্কের অল্পবয়সী শিশুদের অর্থেকের বেশি সংখ্যকের জন্য উপযুক্ততা সম্প্রসারণ করবে।

"চাইল্ড কেয়ার পরিষেবাগুলো আমাদের অর্থনৈতিক পুনরুদ্ধারের একটি অতি গুরুত্বপূর্ণ অংশ, যেটি বাবা-মায়েদের শিক্ষা অর্জন অথবা কর্মীদলে যোগদানের ক্ষেত্রে অতি প্রয়োজনীয় সহায়তা প্রদান করে থাকে," বলেছেন গভর্নর হোকল। "অ্যাক্সেমযোগ্য চাইল্ড কেয়ারের অভাবে চাকরি ছেড়ে দিতে বাধ্য হওয়া একজন মা হিসেবে, এই ঐতিহাসিক বিনিয়োগ এবং কর্মজীবী বাবা-মায়েদের জন্য এটি যেসব সুযোগ-সুবিধা নিয়ে আসবে সেগুলোর জন্য সংখ্যাগরিষ্ঠ অংশের নেতা স্টুয়ার্ট-কাজিন্স ও স্পিকার হিয়েস্টির সঙ্গে মিলে আমাদের সম্পন্ন করা কাজের জন্য আমি গর্বিত। এসব উল্লেখযোগ্য পরিবর্তন সকল নিউ ইয়র্কবাসীর জন্য চাইল্ড কেয়ারের লভ্যতা, গুণমান ও সুলভ্তা স্থায়ীভাবে সম্প্রসারণ করবে।"

এছাড়া ৪০ শতাংশ সেবা প্রদানকারীকে অন্তর্ভুক্ত করার জন্য চাইল্ড কেয়ারের মার্কেট রেট বৃদ্ধি করার মাধ্যমে স্টেটের এই বাজেট উচ্চ মানসম্মত চাইল্ড কেয়ারের অ্যাক্সেসও সম্প্রসারণ করছে। এই পরিবর্তন ভর্তুকিপ্রাপ্ত পরিবারগুলোর জন্য লভ্য চাইল্ড কেয়ারের অপশন সম্প্রসারণ করবে এবং একই সাথে চাইল্ড কেয়ার প্রদানকারীদের জন্য ভর্তুকি বৃদ্ধি করবে।

এই শিল্পখাতের মেরুদগুস্বরূপ সেবা প্রদানকারীদের আরো বেশি সহায়তা প্রদানের জন্য এই বাজেটে সেবা প্রদানকারীদের স্থিতিশীলতা অনুদানের দ্বিতীয় রাউন্ডের জন্য 343 মিলিয়ন ডলার বিনিয়োগের ব্যবস্থা রাখা হয়েছে। এসব অনুদান সরাসরি সেবা প্রদানকারী ও তাদের কর্মচারীদের কাছে পৌঁছে দেওয়া হবে, যেখানে বেতন বৃদ্ধি, বোনাস, টিউশন ভর্তুকি, ও কর্মীদের অবসর পরিকল্পনা ও স্বাস্থ্য বিমার ব্যয়ের জন্য প্রদান করা সহ কর্মীদলের সহায়তার জন্য অনুদানের 75% বরাদ্দ করা হবে। এছাড়াও এই বাজেটে একটি চাইল্ড কেয়ার মূলধন কর্মসূচি প্রতিষ্ঠার জন্য 50 মিলিয়ন ডলার বিনিয়োগ করা হবে। এটি চাইল্ড কেয়ার প্রদানকারীদেরকে নতুন বা বিদ্যমান চাইল্ড কেয়ার কেন্দ্রের নকশা, নির্মাণ, পুনর্বাসন, উন্নয়ন, আসবাবপত্র বা সরঞ্জাম দিয়ে সাজানো সংক্রান্ত ব্যয়ের জন্য নমনীয় মূলধন অনুদানের জন্য আবেদন করার সুযোগ করে দিবে।

এছাড়াও চাইল্ড কেয়ারের অ্যাক্সেসের উপর গুরুত্ব আরোপ করে এই প্রণীত বাজেটে প্রতিটি SUNY ও CUNY ক্যাম্পাসে যাতে শিক্ষার্থীদের, ফ্যাকাল্টিদের, ও বৃহত্তর কমিউনিটির জন্য একটি চাইল্ড কেয়ার কেন্দ্র থাকে তা নিশ্চিত করার জন্য 15.6 মিলিয়ন ডলার বিনিয়োগ করা হচ্ছে। উচ্চতর ডিগ্রি অর্জনের জন্য অধ্যয়নরত শিক্ষার্থীদের জন্য চাইল্ড কেয়ারের অ্যাক্সেস আরো বৃদ্ধি করতে এই বাজেট চাইল্ড কেয়ার ভর্তুকি পাওয়ার জন্য উপযুক্ত হতে হলে কোনো ব্যক্তিকে তার স্কুলিং ছাড়াও সপ্তাহে 17.5 ঘণ্টা কাজ করতে হবে এই শর্ত অপসারণ করেছে।

সেইসাথে, এই বাজেটে খামার কর্মীদের ও তাদের পরিবারের জন্য শৈশবে উচ্চ মানের প্রাথমিক শিক্ষা ও সামাজিক পরিষেবা প্রদান অব্যাহত রাখতে এবং এসব অতি গুরুত্বপূর্ণ কর্মসূচির মূলধন সংক্রান্ত অবকাঠামোর সহায়তার জন্য 13.5 মিলিয়ন ডলার বিনিয়োগ করার মাধ্যমে স্টেটব্যাপী এগ্রি-বিজনেস চাইল্ড ডেভেলপমেন্ট সেন্টারগুলোর (Agri-Business Child Development Centers, ABCD) জন্য সহায়তা বৃদ্ধি করা হয়েছে।

এই বাজেটের বৃহৎ নতুন বিনিয়োগগুলো নিউ ইয়র্কের ফেডারেল তহবিল ব্যবহার করার সঙ্গে যোগ হবে যা চাইল্ড কেয়ারের লভ্যতা, গুণমান ও সুলভ্তা স্থায়ীভাবে সম্প্রসারণ করবে এমন পদ্ধতিগত পরিবর্তন নিয়ে আসছে। ইতোমধ্যে গৃহীত পদক্ষেপগুলোর মধ্যে রয়েছে:

- চাইল্ড কেয়ার কর্মীদের ব্যয়, ভাড়া বা মর্টগেজ, ইউটিলিটি, সাপ্লাই, প্রশিক্ষণ ও
 অন্যান্য বহু উদ্দেশ্য পূরণের ব্য়য় বহনে সাহায়্য করতে আনুমানিক 15,000
 সেবা প্রদানকারীর জন্য 901 মিলিয়ন ডলারের স্থিতিশীলকরণ অনুদান প্রদান।
- জরুরি কর্মীদের পরিবারের 50,000 এরও বেশি সংখ্যক শিশুর জন্য 163
 মিলিয়ন ডলারের চাইল্ড কেয়ার অনুদান প্রদান;

- 12-মাসের মধ্যে পরিবারের আয় উপযুক্ততার সীমার উর্ধ্বে চলে গেলেও পরিবারগুলো যাতে 12-মাস পর্যন্ত চাইল্ড কেয়ার সহায়তা পেতে পারে তা নিশ্চিত করা:
- পারিবারিক কো-পে অবদানের সীমা তাদের বার্ষিক আয়ের 10% এর মধ্যে সীমিত রাখা (এর আগে, কাউন্টিগুলো তাদের নিজস্ব বিবেচনা কাজে লাগিয়ে পরিবারগুলোর জন্য কো-পে নির্ধারণ করতে পারতো, যেখানে কিছু কাউন্টি বাবা-মায়ের বার্ষিক আয়ের 30% পর্যন্তও চার্জ করতো);
- প্রতি বছর প্রত্যেক শিশুর 24িট অনুপস্থিতির জন্য সেবা প্রদানকারীদের ব্যয়পরিশোধ করা:
- QUALITYStarsNY সম্প্রসারণ করা, যা চাইল্ড কেয়ার প্রদানকারীদের জন্য গুণগত মানের একটি রেটিং পদ্ধতি:
- বিদ্যমান কর্মসূচিগুলোর জন্য সহায়তাপ্রাপ্ত তালিকাভুক্তি সম্প্রসারণ ও সহায়তা করা; এবং
- নতুন সেবা প্রদানকারীদের এবং নিজেদের ধারণক্ষমতা বৃদ্ধি করতে আগ্রহী
 বিদ্যমান সেবা প্রদানকারীদের অনুদান প্রদান করার মাধ্যমে স্টেটব্যাপী চাইল্ড
 কেয়ারের খরা মোকাবেলা করা।

###

আরো সংবাদ পাওয়া যাবে এখানে <u>www.governor.ny.gov -এ</u> নিউ ইয়র্ক স্টেট। এক্সিকিউটিভ চেম্বার। <u>press.office@exec.ny.gov</u> | 518.474.8418

আনসাবস্ক্রাইব করুন